

2 - 83. Аллоҳдан бошқага ибодат этмайсиз

04:11 / 28.05.2017 2901

مِنْ حَرَلَةٍ لَّهُ مُسْبَتٌ

اَنْ اَسْحَبَ لِنْ يَدَلَ اَوْلَابَ وَهَلَلَ اَلَّا نُودْبَعَتَ اَلَّا لَيَئَارْسَا يَنَبَ قَاتِيْمَ اَنْدَحَ اَذَاءً
اَوْمِيْقَأَوْ اَنْسُحَسَ اَنْلَلَ اَوْلُوقَوْ نِيْكَاسَمَلَ اَوْيَبْرُقْلَا يَدَوْ
نُوْصَرْعَمَ مُتَنَأْوَمُكَنَّمَ اَلِيَلَقَ اَلِيَلَقَ اَمْتَيَلَوَتَ مُثَّلَّا كَزَلَ اَوْتَآوَهَالَّصَلَا

Бақара 83. Эсланг, үшанды: «Аллоҳдан бошқага ибодат этмайсиз, ота-онага яхшилик қиласиз ва қариндошларга, етимларга, мискинларга ҳам; одамларга яхши гаплар айтинг, намозни қоим қилинг, закотни беринг», - деб Бану Исроилнинг аҳду паймонини олган эдик. Сўнгра озгинангиздан бошқангиз юз ўгириб, ортга қараб кетдингиз.

Мулоҳаза қилинса, Аллоҳ таоло Бану Исроилдан аҳду паймон олган ишлар Ислом дини ҳам буюрган ишлардир. Шундан ҳамма самовий динларнинг бир экани келиб чиқади. Тавҳид ақийдасининг асоси – Аллоҳдан бошқага ибодат қилмаслик аҳду паймон олинган ишларнинг бошида саналяпти. Ота-онага яхшилик қилиш ҳар бир фарзанднинг муқаддас бурчи ҳисобланади. Қариндошларнинг қариндошлиқ ҳаққи бор, уларга ҳам яхшилик қилиш лозим. Етимлар бокувчисиз қолган ёш болалардир. Жамиятда уларнинг ҳам ҳаққи бор. Шунингдек, мискинлар ҳам турли сабабларга кўра, ҳаёти ноқулай ҳолларга тушиб қолган шахслардир. Уларга ҳам яхшилик кўрсатиш инсоннинг инсонийлик бурчи ҳисобланади.

Оятдаги «одамларга яхши гаплар айтинг» жумласини тафсир қилиб, Имом Ҳасан Басрий:

«Яхши гап – амри маъруф, наҳий мункар, ҳилму афв, кечирим ва шириң сўзлардан иборатдир», – деганлар.

Намозни қоим қилиш, яъни унинг барча амалларини жой-жойига қўйиб адо этиш ҳамма самовий динларда ҳам асосий ибодатлардан ҳисобланади.

Имом Бухорий ва имом Муслим ҳазрати Абдуллоҳ ибн Масъуддан ривоят қилган ҳадисда у киши Набий алайхиссаломдан:

«Эй Аллоҳнинг Расули, қайси амал энг афзалдир?» – деб сўраганларида, у зоти бобаракот:

«Ўз вақтида ўқилган намоз», – деб жавоб берганлар. Шунингдек, закот ҳам улуғ молиявий ибодатлардан ҳисобланади.

Аллоҳ таоло Бану Исроилдан мазкур амалларни бажаришга аҳду паймон (таъкидланган ваъда) олган бўлишига қарамай, улар ўз одатлари бўйича, бу аҳду паймондан юз ўғирдилар ва қасдан ортга қараб кетдилар.

□ ت ب ي ب ب ب ب